

K L E M M O U

GREG AL LOUNKER

I

An dud iaouank pa zimezont
Gilic ar vervèro !
Ne ouzont ket petra reont
Gili vertonti ! Gili vertonton !
Gilic ar vervèro !
Daoulagad ar c'huil déro !!

II

Me zonje dinn 'r vech dimezet
Ne mijé great netra ebed.

III

Pedal e rankan ober tout :
Ober crampouez ag aoza ioud !

IV

Ag ar pez a zo goasoc'h c'hoas,
Eo pilad land gant va zreid noas !!

V

Me zo dimezet d'eun ever gwin
A ia d'an davarn bep mintin ;

VI

Ar gwin a ev leiz e veren
N'eo ket gwin ruz mes gwin melen !!

VII

D'an davarn e za mintin mad,
D'ar gear e teu goall divezad ;

VIII

Neuze 'commans al langachou,
Ar rebechou, ar bac'hadou !

IX

Ne glevan mui nemed : kea kuit,
An ti zo dinn, ar meaz zo did !!

X

Tud iaouank, abarz dimezi,
Klozit eul liorz e tal o ti.

XI

C'houi lakaï enhan bep eil tro,
Goude 'n eured tri bod c'huero !!

XII

Bod nec'h a ziou, bod klemm a gleiz,
Ha bod ran-galoun en ho c'hreiz.

XIII

Tro vardro greun pasianted,
Ha mont aliez d'ho gueled !

XIV

Setu va zoun ; breman, va zud,
Hervez ho c'hoant choazit ho klud.

• AN DAOU VAOUT •

I

Maout ar Go ha maout ar Gall
En em dourtas en deiz all.
Hag e lavare ar Go :
« Sell va maout penaos e sko ! »
Hag ar Gall a lavare :
« Sel penaoz va hini-me ! »

II

« Maout, dalc'h mad, eme ar Gall
» Maout ar Go a ia da fall. »
« Maout, dalc'h mad, eme ar Go,
« Maout ar Gall did en em ro. »
Hag an eil ouz egile
An daou zot en em ganne.

III

« Va maout, a lavar ar Gall,
» A lakaï da vaout-te dall. »
« Va maout, a lavar ar Go,
» Da vaout d'id-te a dougno. »
Ag an daou loanik kornek
A laka ar goad da redek.

IV

« Alo ! maout, eme ar Gall,
» Darc'ho d'in eun taolik all. »
« Va maout, a lavare ar Go,
» D'in eun taolik all darc'ho. »
Ag an daou geas penn-oc'h-penn
A daoliou korn en em zispenn.

V

Dao ! pilet eo maout ar Gall.
« Sao, adarre, kos tra fall. »
Dao ! discaret maout ar Go.
« Sao, pe me da doulgofo. »
Ag an daou baour, adarre,
En em bistig a neve.

VI

D'ar fin oll, maout ar Gallik
A guez d'an traon, maro-mik.
Ar Gall dilammet a fo
A dorr gouzoug maout ar Go,
Ha setu 'r brezellourien
Ho daou var an douar ien !

VII

Brema, avad, eme ar Go,
Eur c'hoari all a vez.
« Serr da veg, eme ar Gall,
» Pe me raï d'id kement all. »
Hag etrez-o ho daou ractal
An taoliou dorn da nijal.

VIII

« Pak hema, 'lavar ar Go :
» Daoust ha c'hoas maout te grougo ? »
« Pak hema, 'lavar ar Gall,
» Guel ha me c'hoari da fall. »
Hag evel var eun anne
Va daou zen a bigosse.

IX

« Dal a zaou, eme ar Go,
» Va maout d'id ker a gousto ! »
« Dal a zaou, eme ar Gall,
» Paea 'rinn va dle d'eun all. »
Hag evel gant morzoliou
En em vlounschont a daoliou.

X

Dao ! torret daou zant d'ar Go,
Ar goad a red tro var dro.
Dao ! flastred e fri d'ar Gall,
Ar goad a red kement all.
Kerik mad eo bet koustet
An daou c'hloanek paour lazet.

XI

Jobik ar Rous diwezet
Hen deuz dezho lavaret :
« Potred ! chomit didrabas
» Pe me ia da c'hoari 'r vaz.
» Greomp friko gant ho maouted
» Ha bezomp oll mignouned. »

Tennet gant aotre deuz al levr
Kanaouennou Kerne, p. 65.